

太上太清天童護命妙經註

是

太上太清天童護命妙經註序

是八

夫太上者玄元之王萬聖之師至上元尊至高無位上則包羅衆象中則普濟羣生下則長養萬物生生化化受炁於太始之中物物頭頭稟道在虛无之內千變萬化无不太上矣故天道者運爲清陽之炁也童德者動合純粹之真也兩機相契妙用爲一護命養生神明佑助兇虎无由所傷毒蟲焉能所害何爲堅固至在於神之機也

太上太清天童護命妙經註

姑射山太玄子侯善淵註

太上太清天童

高真攝化神用无方頌曰太上玄元牙一
尊趺蓮高坐玉清宮天童妙化圓明體光

是八

鑑寰瀛萬象空

護命妙經

誦者除邪修之攝正頌曰太上親傳護命
經玄言直語甚分明清晨默念持三徧无
限羣魔盡失驚

皇天生我

金公道父霄我之真頌曰萬物因從道炁
生皇天育我氣神清壺中逗引龍行火鼎
內金丹漸結成

皇地載我

黃婆牝母運我之形頌曰一炁沖和萬物
彰本因生產在中央丹田養就靈仙藥始
覺神遊入帝鄉

日月照我

天地之精感而純陽頌曰交逕鳥飛兔走

波二輪晶耀越天河
達人到此開青眼
試問凡夫認得麼

北斗輔我

心通七竅斗柄分明
頌曰：斡開斗口運天
關兩點流星任往還
鼎眼滿傾銀浪滾爐

是人

二

門一派水晶翻

星辰榮我

滿天精秀照我神
凝頌曰：極目陽精數點
輝往來昇降疾如飛
空中願養胎仙就穩
跨金龍入太微

江河渡我

曲江金水穩駕神舟頌曰靈波滾滾接東
流傾入汪洋法海收穩駕神舟於歷徧水
心直下釣龍鈎

北辰侍我

北辰初顯侍我同明頌曰北極玄微鎮碧
霄心開頓悟亦非遙胎光一點澄凝處萬
道流霞物外飄

風雨送我

冥中虛靜雨過風清頌曰薄霧輕煙細雨

霏遠嵐凝翠可相宜清風送我歸何處拍
劍騎龍上紫微

諸仙舉我

衆真相助一體无分頌曰諸仙舉我朝三
界衆聖相扶入帝京金闕門中呼羽客玉

是八

三

霄榜上列仙名

司命與我

天中司命與我同源頌曰司命縱容意自
清介然與我育神嬰嬰兒長大渾无物一
顆靈光處處明

太一任我

太一玄機任我神通頌曰太一爐開師子
吼混元鼎破火龍飛滿天光焰燒空界萬
派精金照日輝

六丁進我

六門通泰進我神遊頌曰六丁進我任遨
遊散髮披襟跨火牛仗劍咬牙吞日月飛
符追下活人頭

玉女從我

金童前引玉女後隨頌曰玉女相隨入洞

遊笙歌引上水晶樓
凭欄不見紅塵事
唯有虛空泛日頭

五帝衛我

五般霞彩聚入神宮
頌曰五炁朝元入寶
宮三花片片落空中
玄珠配合生光瑩徧

照乾坤上下通

天門開我

上朝金闕出入夷門
頌曰閑騎白馬上天
門信步因遊翫月宮
寶殿姮娥新有令賜
余丹桂一枝紅

地戶通我

心通兩竅神致无方頌曰一擊玄關地戶
開絳宮仙子上靈臺徧觀極目瓊花綻盡
向紅爐火裏栽

我命著我

是八

性命俱備精炁神全頌曰養炁全神別有
方安魂定魄不飛颺丹成已覺心通聖鑿
壁穿山透海滄

太清玄籍

太清之道玄籍萬神頌曰太清來劫鎮夷

門萬化生乎在彼中一性貫穿夫地匝金
嬰還返玉晨宮

三宮昇降

上昇下降三一浮沉頌曰三宮昇降定浮
沉達者心開性自深太一爐添文武火殊

砂鼎裏鍊精金

上下往來无窮

親遠踈近大計无窮頌曰上下无窮不見
形无形之體自然清濁贈得靈砂滿燦
燦交光照眼明

金飯玉漿向求皆至

天然一味食者延年頌曰一盤金飯浸瓊漿
啜罷神清入太倉五色雲中朝聖主紫微殿裏奏明皇

虛梵日月

是八

五

虛懸寶鑑道眼高明頌曰虛梵煌煌映大羅
高懸日月照婆娑鼎中汞水涓涓滴鑄就紅砂滿鼎多

與天為誓

天性人也人心機也頌曰天性人兮人象

天天人相契立根元根元混一歸何處蕩
蕩茫茫萬化前

魍魎魍魎

北極之號受正除邪頌曰北極元君鎮上
方咬牙執劍斬魔王妖精魍魎全俱滅總

化无形變血光

所為者成

背之者死向之則生頌曰修成丹藥永无
枯玄牝空中任吸呼白虎每吞金鳳髓烏
龍常飲太陽酥

何神不使

人人有分物物皆從頌曰萬神同喜聚三
光至道无生得久長常使汞鉛顛倒用自
然丹就得純陽

何令不行

天地萬物受炁而生頌曰一陽初動黃芽
秀二炁相交白雪清兩味合和十六兩完
容一粒寶珠明

上有朱雀

火龍蟠頂丹鳳凝陽頌曰朱雀離巢趁日

飛上侵天谷徹雲霓展開金翅磨星斗推
落陽光滿太微

下有玄武

烏龜水府太陰之精頌曰玄武交宮水府
行赤蛇相繞火中生刹那一井金波湧傾

是八

六

入紅爐滿鼎烹

左有青龍

龍從震位汞自西生頌曰青龍一踔出東
渝舒展紅霞罩玉都兩道電光昕霹靂三
天驚動鎮江湖

右有白虎

虎從兌位鉛自東生頌曰白虎深藏入兌
方須彌靜坐泛龍光射開宇宙羣魔退獨

霸山川鎮海滄

愛我者生

全神養炁保命長生頌曰陰陽火候勿令
差鉛鼎飛霜吐翠砂一粒明珠顛倒滾滿
天精耀放紅霞

惡我者殃

貪嗔損炁嫉妬傷神頌曰貪嗔嫉妬勿交

生信任寰中自在行清靜若逢尸鬼鬧袖
中携劍斬三彭

謀我者死

財色利名親之者死頌曰功名富貴莫爭
儼愛慾恩深業轉多達士超然俱遠避迷

是八

人不悟永耽耽

七

憎我者亡

心猿意馬縱之則亡頌曰邪魔陰鬼亂交
紛握固存神意不容寂靜若逢塵事撓放
開心月照虛空

玉女三千六百常在我傍

萬神聚會不離我身頌曰一簇神仙秀
清彩雲深處賀昇平空中一派仙音奏捧
箇真人入洞庭

執節奉符與我同遊

行住坐卧動止相隨頌曰玉女同遊不夜
鄉鳳鸞迎駕入明堂金童滿勸瓊漿液味
覺清香透頂涼

太上攝京

高真攝位衆聖來朝頌曰太上扶空坐寶

蓮放開惠日照无边諸仙總攝高真位衆
聖來朝御坐前

天大吉昌

寥寥空靜湛湛盈虛頌曰混元一炁定沉
浮獨立寥寥空萬象初渺渺玄玄千劫外澄
澄湛湛覆虛无

二十四符

神符去病心印除邪頌曰神符斷祟陰消
滅心印除邪道自生金籙玄科親授訣濟
民助國永清平

與星曆俱

星河玉潔心月冰清頌曰星河皎潔透銀
蟾无上真人至仰瞻玉女掣開秋水殿金
童舒起夜明簾

急急如律令

是人

經中得意急急修持頌曰功行齊修兩事
全煥然輕舉化飛仙青童引至朝元去鶴
駕香風入洞天

太上太清天童護命妙經註

共



